

**ТЕЗКОР-ҚИДИРУВ ТАДБИРИНИНГ НАЗАРИЙ ЖИҲАТЛАРИ
ТАҲЛИЛ
АНАЛИЗ ТЕОРЕТИЧЕСКИХ АСПЕКТОВ ОПЕРАТИВНО-
РОЗЫСКНОГО МЕРОПРИЯТИЯ**

Рахимхўжаев Рустам Нишонхўжаевич

Ўзбекистон Республикаси ИИБ Академияси кафедра бошлиғи, подполковник

Якубов Хушнудбек Шериббоевич

Ўзбекистон Республикаси ИИБ Академияси катта ўқитувчи, подполковник

Аннотация. Мақолада тезкор-қидирув тадбирларининг тушунчаси ва моҳияти ҳақидаги масаланинг назарий жиҳатлари таҳлил қилинган. Тезкор-қидирув тадбирларига таъриф беришда эътиборга олинishi лозим бўлган омиллар келтирилиб, ушбу тушунчани қонунчиликка жорий этиши юзасидан таклифлар берилган.

Аннотация. В статье анализируются теоретические аспекты вопроса о понятии и сущности оперативно-розыскных мероприятий. Приводятся факторы, которые следует учитывать при формулировании понятия оперативно-розыскных мероприятий, и вносятся предложения по внедрению данного понятия в законодательство.

Таянч сўзлар: тезкор-қидирув фаолияти, тезкор-қидирув тадбирлари, субъект, мақсад, объект, ташкилий чора-тадбирлар, мазмун, элемент, хусусият.

Ключевые слова: оперативно-розыскная деятельность, оперативно-розыскные мероприятия, субъект, цель, объект, организационные меры, содержание, элемент, характеристика.

«Тезкор-қидирув фаолияти» тўғрисидаги қонунда «тезкор-қидирув тадбирлари»ни ўтказишнинг қонунийлик кафолатлари тизими белгилаб қўйилган бўлиб, унинг 3-моддасига биноан тезкор-қидирув фаолияти «тезкор-қидирув тадбирлари»ни ўтказиш орқали амалга оширилади. Ушбу таърифдан тезкор-қидирув тадбирлари мазкур фаолиятнинг ўзагини ташкил этишини кўриш мумкин. Лекин амалдаги қонунда умумий «тезкор-қидирув тадбирлари» тушунчасининг мазмуни очиб берилмаган. Бу эса, фикримизча, тезкор-қидирув тадбирларини ўтказишда қонунийликка риоя этилиши ҳамда инсон ҳуқуқлари, эркинликлари ва қонуний манфаатларини таъминлашга салбий таъсир этиши мумкин. Шу билан бирга, Қонунда тезкор-қидирув тадбирларига таъриф берилмаганлиги ҳозирга қадар соҳа олимлари ўртасида турли хил қарашлар пайдо бўлишига, энг ачинарлиси, тезкорқидирув тадбирларининг нотўғри талқин этилишига олиб келмоқда. Натижада, соҳа мутахассислари орасида тезкор-қидирув тадбирларининг мазмун-моҳияти, тушунчаси, асосий белгилари ва тузилишини аниқлаштириш борасида ҳамон бир тўхтамга келинмаган [1, 18-б.].

Жумладан, О.В. Фирсов тезкор-қидирув тадбири тўғрисида фикр билдириб, унга қуйидагича таъриф берган: «Тезкор-қидирув тадбирлари — ваколатли шахслар томонидан қонун ҳамда бошқа норматив-ҳуқуқий ҳужжатларда назарда тутилган асослар ва тартибда тезкор-қидирув фаолиятини амалга оширишнинг аниқ шаклидир» [2, 168-б.].

Мазкур фикрга қўшилиш қийин, чунки келтирилган таърифда тезкор-қидирув тадбирларининг зарурий элементи «объект», «мақсад» ва «ташкилий чора-тадбирлар» ўз ифодасини топмаган. Шунингдек, тезкор-қидирув тадбирларининг «Тезкор-қидирув фаолияти вазифаларини ҳал қилиш учун зарур бўлган маълумотларни бевосита аниқлаш ва улардан фойдаланиш»га қаратилган ўзига хос хусусияти назардан четда қолган [3, 6-б.].

К.К. Горяинов, Ю.Ф. Кваша ва К.В. Сурковлар эса «тезкор-қидирув тадбирлари деганда мақбул вақтда жиноят факти ва жиноят содир этган шахсларни аниқлаб, уларга таъсир кўрсатиш имконини берадиган далилларни

(объектлар, ҳолатлар ва бошқаларни) излаш мақсадида бирлаштирилган, мувофиқлаштирилган ҳаракатлар мажмуи»ни [4, 200-б.] тушунишни таклиф этади. Ушбу олимларнинг тезкор-қидирув тадбирлари тушунчасига берган таърифига ҳам қўшилиш қийин. Чунки, унда тезкор-қидирув тадбирларини ўтказувчи *субъект* кўрсатилмаган, *мақсад* эса жуда тор ифодаланган, қолаверса, тезкор-қидирув тадбирларининг «*фақат ваколатли субъектлар томонидан тезкор-қидирув фаолияти вазифаларини бажариши учун белгиланган асосларга ва шартларга мувофиқ амалга оширилиши*» каби ўзига хос хусусиятлари қамраб олинмаган.

Бундан ташқари, К.К. Горяинов ва бошқа муаллифлар тезкор-қидирув тадбирларига «тезкор-қидирув фаолияти тўғрисидаги қонунда белгиланган тезкорқидирув фаолияти вазифаларини бажаришга қаратилган ошқора ва ноошқора куч, восита ва усуллар қўлланиладиган ҳаракат ёки ҳаракатлар мажмуи» [5, 281-б.] деб таъриф берадилар. Ушбу таърифга ҳам фақат қисман қўшилиш мумкин. Чунки унда тезкор-қидирув тадбирларининг энг асосий элементлари — *субъект* ва *объект* кўрсатилмаган. Шунингдек, тезкор-қидирув тадбирларининг «*норматив-ҳуқуқий ҳужжатларда белгиланган асосларга ва шартларга мувофиқ амалга ошириши ва зарур маълумотларни бевосита аниқлаш ва улардан фойдаланиши*» хусусияти назардан четда қолган.

Ўз навбатида, В.Г. Бобров *тезкор-қидирув тадбирларини* «ноқонуний ҳаракатларни аниқлаш, олдини олиш, тўхтатиш ва очиш, қидирувдаги жинойтчилар ва бедарак йўқолган шахсларни излаб топиш, шунингдек жинойтчиликка қарши курашда бошқа тезкор-тактик масалаларни ҳал қилиш учун муҳим бўлган тезкорқидирув ва бошқа маълумотларни, нарса ва ҳужжатларни олиш ҳамда улардан фойдаланишга қаратилган норматив-ҳуқуқий ҳужжатлар талабларига мувофиқ ташкил этилган ўзаро боғлиқ ҳаракатлар тизими» [6, 4-б.] сифатида таърифлайди. Ушбу таъриф юқоридаги келтирилганларга қараганда бирмунча тўлиқ бўлса-да, лекин унда тезкор-қидирув тадбирларининг таркибий элементи бўлган *субъект* келтирилмаган. Таърифда тезкор-қидирув тадбирларининг «*фақат ваколатли субъектлар*

томонидан амалга ошириш, ошкора, ноошкора куч, восита ва усуллардан фойдаланиш» каби хусусиятларини қамраб олинмаган.

О.А. Вагин ва А.П. Исиченко эса тезкор-қидирув тадбирлари деганда «тезкорқидирув фаолияти тўғрисидаги қонунда белгиланган тезкор-қидирув фаолияти масалаларини ҳал қилишга қаратилган ошкора ва ноошкора куч, восита ва усуллар қўлланиладиган ҳаракат ёки ҳаракатлар мажмуи»ни [7, 281-б.] тушунишади. Бу таърифда ҳам тезкор-қидирув тадбирларининг *субъекти* ва *объекти* кўрсатилмаган. Таърифда «тезкор-қидирув тадбирларининг қонуний мустаҳкамланганлиги, белгиланган асослар ва шартларга биноан ўтказилиши и ҳамда зарур бўлган маълумотларни бевосита аниқлаш ва улардан фойдаланишга қаратилган» хусусиятлари ёритилмаган.

Д.В. Ривман тезкор-қидирув тадбирлари деганда «Тезкор-қидирув фаолияти тўғрисидаги қонун билан ваколат берилган субъектлар томонидан ўтказиладиган мураккаб (тизимлаштирилган), ташкилий жиҳатдан мақсадга йўналтирилган, жинойтчиликка қарш и кураш да аниқ тезкор вазифаларни ҳал қилиш учун мўлжалланган, махсус усул ва воситалар ёрдамида амалга ошириладиган, инсон ва фуқароларнинг ҳуқуқ ва эркинликлари, жамият ва давлат манфаатларини бузиш, шунингдек ноўрин (асоссиз) тажовуз қилишни истисно этадиган қатъий процессуал, тактик ва макон-вақт чекловларига эга бўлган норматив тартибга солинган ошкора ва ноошкора ҳаракатларни» [8, 81-б.] тушунади. Тушунча бирмунча тўлиқ берилганига қарамай, *объект* келтирилмаган. Тезкор-қидирув тадбирларининг «қонунда белгиланганлиги, зарур маълумотларни бевосита аниқлаш ва улардан фойдаланишга қаратилганлиги ҳамда ошкора, ноошкора куч, восита ва усуллардан фойдаланиш» билан боғлиқ хусусиятлари эътибордан четда қолган.

А.Н. Халиков тезкор-қидирув тадбирларини қуйидагича изоҳлайди: «Тезкорқидирув фаолияти тўғрисидаги қонунда белгиланган тезкор-қидирув фаолияти субъектлари томонидан тезкор-қидирув фаолияти вазифаларини бажариш учун зарур бўлган аниқ маълумотларни олиш ва қайд этиш мақсадида норматив-ҳуқуқий ҳужжатлар талабларига мувофиқ ошкора ва

ноошкора воситалар ва усулларни бирлаштириб амалга ошириладиган ҳаракатлар» [9, 139-б.]. Ушбу таърифга қисман қўттилитт мумкин, чунки муаллиф тезкор-қидирув тадбирларининг мақсадини «зарур бўлган аниқ маълумотларни олиш ва уларни қайд этиш» сифатида ифодалаган. Фикримизча, мақсад «Тезкор-қидирув фаолияти тўғрисида»ги қонунда белгиланган вазифаларини ҳал этиш» бўлиши керак. Шунингдек, таърифда тезкор-қидирув тадбирларининг «қонунда белгиланган асослар ва шартларга биноан ошкора, ноошкора куч, восита ва усуллар уйғунлигида ўтказилиши» билан боғлиқ хусусияти кўрсатилмаган.

А.Ю. Шумилов ҳам тезкор-қидирув тадбирларини «Тезкор-қидирув фаолияти тўғрисида»ги қонунга биноан, тезкор-қидирув фаолиятини бевосита амалга оширувчи субъект (тезкор ходим, кўмаклашувчи шахс ва бошқалар)нинг мақсадларига эришиш ва тезкор-қидирув фаолияти вазифаларини ҳал этиш учун зарур бўлган ахборотни олишга қаратилган излов ҳаракати» [10, 183-б.] сифатида изоҳлайди. Фикримизча, ушбу таъриф ҳам тўлиқ эмас. Чунки муаллиф тезкорқидирув тадбирларининг мақсадини тезкор-қидирув фаолияти вазифаларини ҳал этиш учун зарур бўлган «ахборотни олиш» сифатида берган. Назаримизда, мақсад тезкор-қидирув фаолияти тўғрисидаги қонунда белгиланган вазифаларини ҳал этиш учун зарур бўлган «ахборотни олиш ва ундан фойдаланиш» бўлиши керак. Шу билан бирга, таъриф тезкор-қидирув тадбирларининг барча хусусиятларини қамраб олмаган. Тезкор-қидирув тадбирларини тезкор-қидирув фаолиятининг бошқа йўналишларидан фарқловчи хусусиятларидан бири «қонунда белгиланган асослар ва шартларга биноан ўтказилиши»дир. Юқоридаги таърифда эса бундай хусусият мавжуд эмас.

А.К. Закурлаев ва Ю.С. Пулатовнинг фикрича, «тезкор-қидирув тадбирлари — бу тезкор-қидирув фаолиятини амалга оширишда ўтказиладиган, тўлиқ рўйхати тезкор-қидирув фаолияти тўғрисидаги қонунда белгиланган аниқ ҳаракатлар, тезкор-қидирув фаолиятининг таркибий элементларини ўзида ифодалайди, бу элементлар жамулжам ҳолда тезкор-

қидирув фаолиятини ташкил этади» [11, 76-б.]. Фикримизча, ушбу муаллифларнинг таърифи тўлиқ эмас, чунки унда тезкор-қидирув тадбирларининг элементлари бўлмиш *субъект, объект* ва *мақсад* кўрсатилмаган. Шунингдек, *тезкор-қидирув тадбирларини ўтказиш асослари ва шартлари* каби хусусияти назардан четда қолган.

Ҳуқуқшунос олимлар А.А. Хамдамов, Т.Р. Саитбаев, С.Н. Гордеев, В. Каримов ва А. Е. Чечетиннинг тезкор-қидирув тадбирлари юзасидан берган таърифлари бошқа олимларникига нисбатан мазмунан бой чиққан. Жумладан, А.А. Хамдамов, Т.Р. Саитбаев ва С.Н. Гордеев *тезкор-қидирув тадбирларига* «Тезкор-қидирув фаолияти тўғрисида»ги қонунда мустаҳкамланган разведик излов хусусиятига эга бўлган, ваколатли субъектлар томонидан норматив-ҳуқуқий ҳужжат талабларига мувофиқ ўтказиладиган ҳамда асосан ноошкора восита ва усулларни ошкора восита ва усуллар билан уйғунлаштирган ҳолда қўллашга асосланган ҳамда тезкор-қидирув фаолияти масалаларини ҳал қилиш учун зарур фактик маълумотларни бевосита аниқлашга қаратилган чора ва ҳаракатлар тизими» [12, 68-б.] сифатида таъриф беришган.

В. Каримов: «*Тезкор-қидирув тадбирлари* — тезкор-қидирув фаолиятининг таркибий қисми бўлиб, ваколатли субъектлар томонидан қонунда белгиланган асослар ва шартларга биноан ошкора ва ноошкора усул ва воситалар уйғунлигида ўтказиладиган, тезкор-қидирув фаолиятининг вазифаларини бажаришга йўналтирилган ўзаро муштарак тадбирлар мажмуидир» [1, 19-б.], деб изоҳлаган.

А.Е. Чечетин эса *тезкор-қидирув тадбирларига* «тезкор-қидирув фаолияти тўғрисидаги қонун билан белгиланган ваколатли субъектлар томонидан нормативҳуқуқий ҳужжатлар талабларига мувофиқ тезкор-қидирув фаолияти вазифаларини ҳал этиш учун зарур бўлган фактларни бевосита аниқлаш ва улардан фойдаланишга қаратилган, ошкора восита ва усуллар билан бирга асосан ноошкора восита ва усуллардан фойдаланиб ўтказиладиган ҳаракатлар» [13, 21-б.], деб таъриф берган.

Биз юқорида келтирилган олимларнинг тезкор-қидирув тадбирларига

берган таърифларини таҳлил қилиш орқали тушунчаларни ёритишда тезкор-қидирув тадбирларининг айрим элементлари ёки хусусиятларини эътибордан четда қолдирганликларига гувоҳ бўлдик. Фикримизча, мазкур таърифлар тезкор-қидирув тадбирларининг моҳиятини тўлиқ тушуниш ва ёритишга имкон бермайди.

«Тезкор-қидирув тадбирлари» тушунчасига таъриф беришда асосий эътиборни тезкор-қидирув тадбирларининг элемент ва хусусиятларига қаратиш, зарур деб ҳисоблаймиз.

Тезкор-қидирув тадбирлари — қонун талабларидан келиб чиқиб, қуйидаги асосий элементлардан иборат бўлиши лозим: объект; субъект; мақсад; ташкилий чора-тадбирлар; мазмун.

Тезкор-қидирув тадбирларининг ўзига хос хусусиятлари қуйидагилар:
қонун билан белгиланганлиги;
фақат ваколатли субъектлар томонидан амалга оширилиши;
қонунда белгиланган асос ва шартларга биноан ўтказилиши;
ошкора ва ноошкора куч, восита, усуллардан фойдаланган ҳолда ўтказиш мумкинлиги;

тезкор-қидирув фаолияти вазифаларини ҳал қилиш мақсадида зарур бўлган маълумотларни аниқлаш ва улардан фойдаланишга қаратилган бўлиши [14, 74-б.].

Тезкор-қидирув тадбирларининг элементлари ва хусусиятлари таҳлилидан келиб чиқиб, назаримизда, тезкор-қидирув тадбирларига қуйидагича таъриф берилса, мақсадга мувофиқ бўлади:

«Тезкор-қидирув тадбири – «Тезкор-қидирув фаолияти тўғрисида»ги қонунга мувофиқ ваколатли субъектлар томонидан белгиланган тартибда тезкор-қидирув фаолияти вазифаларини ҳал этиш учун зарур бўлган фактик маълумотларни бевосита аниқлаш, олиш ва улардан фойдаланиш мақсадида ошкора ва ноошкора куч, восита, усулларни қўллаб ўтказиладиган ҳаракатлар мажмуи».

Шундай қилиб, қонунчилик техникасига кўра янги қабул қилинаётган

қонунларда соҳага тааллуқли асоси йтушунчаларнинг мазмуни очиб берилаётганлиги, ҳуқуқшунос олимлар томонидан «тезкор-қидирув тадбирлари» тушунчасининг айрим ҳолларда нотўғри талқин этилишига барҳам бериш ҳамда амалиётчи ходимларнинг фаолиятида юзага келиши мумкин бўлган турли ҳолатларга аниқлик киритиш мақсадида, Ўзбекистон Республикасининг «Тезкор қидирув фаолияти тўғрисидаги қонун»га асосий тушунчалар деб номланган 31-моддасини қўшиб, унда тезкор-қидирув тадбирлари тушунчасига таъриф бериш зарур деб ҳисоблаймиз.

Мазкур таклифларнинг амалдаги қонунчиликда ўз ифодасини топиши ҳуқуқий бўшлиқларни тўлдириб, қонунийликка риоя этилиши ҳамда инсон ҳуқуқлари, эркинликлари ва қонуний манфаатлари таъминланишига хизмат қилади. Шу билан бирга, соҳа олимлари орасида «тезкор-қидирув тадбирлари» тушунчаси билан боғлиқ келишмовчиликларни бартараф этишга ёрдам беради.

ФЙДАЛАНИЛГАН АДАБИЁТЛАР / ИСПОЛЬЗОВАННАЯ ЛИТЕРАТУРА

1. *Каримов В.Г.* Тезкор-қидирув фаолиятини такомиллаштиришнинг назарий ва ҳуқуқий жиҳатлари // Ўзбекистон Республикаси ИИВ Академиясининг ахборотномаси. — 2019. — № 3.

2. *Фирсов О.В.* Правовые основы оперативно-розыскных мероприятий: Учеб. пособие. — М.:Норма-ИНФРА-М., 2011.

3. Якубов, Х. Ш. (2023). ТЕЗКОР ЭКСПЕРИМЕНТ ТЕЗКОР-ҚИДИРУВ ТАДБИРИНИНГ ТУШУНЧАСИ. Лучшие интеллектуальные исследования, 11(5), 172-186.

4. *Горяинов К.К.* Федеральний закон «Об оперативно-розыскной

деятельности»: Комментарий / К.К. Горяинов, Ю.Ф. Кваша, К.В. Сурков. — М., 1997.

5. Теория оперативно-розыскной деятельности: Учебник / Под ред. К.К. Горяинова, В.С. Овчинского, Г.К. Сенилова. — М., 2010.

6. Бобров В.Г. Понятие оперативно-розыскного мероприятия. Основания и условия проведения оперативно-розыскных мероприятий: Лекция. — М., 2003.

7. Ривман Д.В. Комментарий к Федеральному закону «Об оперативно-розыскной деятельности». — СПб., 2003.

8. Халиков А.Н. Правовые основы оперативно-розыскной деятельности: Курс лекций. — М., 2007.

9. Шумилов А.Ю. Курс основ оперативно-розыскной деятельности: Учебник для вузов. 3-е изд., доп. и перер. — М., 2008.

10. Закурлаев А.К., Пулатов Ю.С. Тезкор-қидирув фаолияти: Ўқув қўлланма — Т., 2014.

11. Ўзбекистон Республикасининг «Тезкор-қидирув фаолияти тўғрисида»ги қонунига шарҳ / А.А. Ҳамдамов, Т.Р. Сайтбаев, С.Н. Гордеев ва бошқ. — Т.: Ўзбекистон Республикаси ИИВ Академияси, 2015.

12. Чечетин А.Е. Актуальные проблемы теории оперативно-розыскных мероприятий. — М., 2006.

13. РАХИМХЎЖАЕВ, Р. (2021). ЎЗБЕКИСТОНДА ТЕЗКОР-ҚИДИРУВ ТАДБИРЛАРИНИ ҲУҚУҚИЙ ТАРТИБГА СОЛИШНИНГ РИВОЖЛАНИШИ. ЮРИСТ АХБОРОТНОМАСИ, 2(3), 71-76.

14. Raximxojayev, R. N. J. (2021, May). SOME ASPECTS OF QUICK-SEARCH ACTIVITIES. In Archive of Conferences (Vol. 24, No. 1, pp. 38-39).